

Ա. ՄԵԼԻՐՈՆՅԱՆ

ՍՈՒՐԵՆ ՍՊԱՆԴԱՐՅԱՆԸ ՏՈՒՐՈՒԽԱՆՅԱՆ ԱՔՍՈՐՈՒՄ

1

1912 թ. մայիսի 22-ին, երբ Ս. Սպանդարյանը մեկնում էր Հյուսիսային Կովկաս, Բաքու չհասած, Բալաչարի կայարանում ձերբակալվեց, ետ բերվեց Թիֆլիս և նետվեց Մետեխի բերդը: Սա նրա վեցերորդ բանտարկությունն էր: Պահնորդական բաժնին քաջ հայտնի էր, որ Ս. Սպանդարյանը բոլշևիկյան սլարտիայի ակաճավոր գործիչներից է, կրակոտ հոետոր, տաղանդավոր ժողովրդային, բոցաշունչ ագիտատոր և պրոպագանդիստ, որ նա եղել է Ռուսաստանյան կադմհանձնաժողովի անդամ, մասնակցել է Պրագայի կոնֆերանսին, ընտրվել է Պարտիայի Կենտկոմի և նրա ռուսական բյուրոյի անդամ: Կոնֆերանսից վերադառնալով՝ շրջագայել է Մերձբալթյան երկրների քաղաքները, Պետերբուրգ, Մոսկվա, Բաքու, Թիֆլիս քաղաքներում զեկուցել է կոնֆերանսի արդյունքների մասին և այլն: Մոսկվայի պահնորդական բաժնի 1912 թ. փետրվարի 9-ի զեկուցագրում ասված է հետևյալը. «Ե/Բաքվից — «Տիմոֆեյ» (նա ինքը «Սուրեն»): էս-դեկ, մոտ 27—29 տարեկան, ինտելիգենտ, ազգությամբ հայ, թունդ լենինյան, Մոսկվայի համալսարանի նախկին ուսանող, 1908—1909 թթ. ակտիվորեն գործում էր Բաքվի ընդհատակյա պարտկազմակերպության մեջ և աշխատում էր հենց այդ ժամանակաշրջանում տապալված տեղական գաղտնի մեծ տպարանում... «Տիմոֆեյ» գաղտնի աշխատանքներ է կատարել նաև Մոսկվայում և Ս. Պետերբուրգում: Շատ լուրջ էս-դեկ է: Ծնվել է ՌՍԴԲՊ համապարտիական կոնֆերանսի դեկեգատներ ընտրելու «Ռուսական կադմակերպական հանձնաժողովի անդամ»¹: Ձերբակալելով Ս. Սպանդարյանին, նրա մոտ «հանցավոր» ոչինչ չգտան, այնուամենայնիվ որոշվեց նրան վարչական կարգով արտաքսել Անդրկովկասից: Այդ մասին նույնիսկ սլահնորդական բաժնի գնդապետ Պաստրուլինը հայտնում է Ս. Սպանդարյանի կնոջը:

Ահա այս օրերին տեղի է ունենում հետևյալը. մատնությամբ ոստիկանության ձեռքն է ընկնում Թիֆլիսի բոլշևիկյան կոմիտեի արխիվը, որտեղ կային Սպանդարյանի ձեռքով գրված պարտիական շատ կարևոր փաստաթղթեր (կոչեր, թուցիկներ, «Ռուսաստանի սոց. դեմ. բանվ. պարտիայի պլատֆորման» 4-րդ Պետ. դումայի ընտրությունների առթիվ, նամակ Ստասովային այդ կապակցությամբ և այլն): Բանտարկվեցին և Սպանդարյանի հետ միասին դատի տրվեցին Թիֆլիսի բոլշևիկյան կադմակերպության ուրիշ անդամներ (Ծ. Ստասովան, Վ. Շվեյցերը, Ա. Հովվյանը, Մ. Վախմիրյան, Վ. Խաչատրյանը և Ն. Հովհաննիսյանը):

1913 թ. մայիսի 2—4-ը² Թիֆլիսի դատական պալատի հատուկ ատյանի դոնիակ նիստը՝ ՌՍԴԲՊ Կենտկոմի և Թիֆլիսի բոլշևիկյան կադմակերպության

¹ «Большевики (Документы по истории большевизма с 1903 по 1916 год бывш. Московск. охранного отделения)», стр. 87

² Ա. Մաթթվերը տալիս ենք հին տոմարով:

գործով՝ Ս. Սպանդարյանին մյուս ընկերների հետ միասին «Միապետության դեմ ուղղված հանցավոր գործունեության համար» դատապարտեց ցմահ աքսորի հեռավոր Սիբիրում, զրկելով նրան բոլոր տեսակի իրավունքներից։

Մեր այս ուսումնասիրությունը նվիրված է Սուրեն Սպանդարյանի աքսորի ժամանակաշրջանի ունեցած գործունեությանը։

1913 թ. սեպտեմբերի 21-ին Ս. Պապանդարյանը շղթայակապ, էտապով աքսորվում է հեռավոր Սիբիր։ Ճանապարհից նա կնոջը գրում է, որ առայժմ ամեն ինչ կարգին է, միայն մի բան է վատ ու ծանր. «Ձեռքերս բոլոր ժամանակ շղթայված են»։ Հոկտեմբերի 10-ին էտապը հասնում է Կրասնոյարսկ և Սպանդարյանը նետվում է այնտեղի փոխադրական բանտը։

Շարունակվում են Սպանդարյանի տանջալից օրերը Կրասնոյարսկի փոխադրական բանտում, որտեղ չկային տարրական պայմաններ, հատկապես քաղաքական բանտարկյալների համար, որոնց ցարը դանդաղ ու տանջալից մահվան էր դատապարտում։ Բայց ոչ մի ծանր պայման ու տառապանք չեն կարողանում կոտրել անվահեր բուլշևիկի երկաթե կամքը։ Նա առանց մազաչափ ընկճվելու միշտ արիության ոգի էր ներշնչում իր ընկերներին ու հարազատներին. «Ես դեռ Կրասնոյարսկի բանտում եմ, — գրում է նա իր կնոջը, 1913 թ. դեկտեմբերի 29-ին, — այստեղ ամեն տեսակ միջատներն ու անիծներն անպատիժ ուտում են ինձ. ամբողջ մարմինս շանգոտված է և արյունվիկ։ Տրամադրությունս կայտառ է, ուրախ և լավ։ Կեցցե՛ կյանքը։ Մենք դեռ ոտքի կեննք, կարիք չկա հուսահատվելու։ Սրանից վատթարն էլ է լինում։ Իսկ ուրիշների հետ համեմատած՝ իմ անախորժություններն ուղղակի դատարկ բան են»¹։

1913 թ. նոյեմբերի 8-ին Սիբիրի սառնամանիքների պայմաններում Ս. Սպանդարյանը նորից շղթայակապ փոխադրվում է նշանակված աքսորավայրը՝ Ծնիսեյան նահանգի, Կանսկ գավառի, Պերովսկ գավառակի Իննուկենտիսկայա գյուղը, որտեղ նա ապրում է խիստ հսկողության տակ։

Չորս կողմից սկսվում են գրագրություններ Սպանդարյանի վրա խիստ հսկողություն սահմանելու մասին։ Տեղ հասնելու հաջորդ օրը, 1913 թ. նոյեմբերի 9-ին Կանսկ գավառի ժանդարմական վարչությունը կազմում է Սպանդարյանի մասին մանրամասն գործ², որտեղ նկարագրված է Սպանդարյանի ունեցած գործունեությունը՝ Անդրկովկասում, Մոսկվայում, Պետրոգրադում ու Մերձբալթյան երկրներում։ Այնտեղ Սպանդարյանը բնութագրված է, որպես «պարտիական ականավոր գործիչ» ու ցարական ռեժիմի համար «խիստ վտանգավոր անձնավորություն»³ և հրահանգված է շրջանի ժանդարմական հսկիչին նրա վրա «խիստ հսկողություն» սահմանել։

Կովկասյան ժանդարմական վարչությունն իր հերթին անհանգստանում է, որ հանկարծ կարող է թույլ հսկողության պատճառով Սպանդարյանը աքսորից փախչել, կազմում է մանրամասն անկետա Ս. Սպանդարյանի մասին, ուղարկում է Ծնիսեյան նահանգի ժանդարմական վարչությանը և պահանջում է Սպանդարյանի վրա «սահմանել խիստ հսկողություն», Կանսկի գավառի ժանդարմական վարչության պետն իր հերթին 1913 թ. նոյեմբերի 21-ի զեկու-

¹ Մարքսիզմ-լենինիզմի ինստիտուտի հայկական ֆիլիալի արխիվ, ֆ. 61.

² Տե՛ս Красноярский Краевой архив, ф. 34, д. 15.

³ Նույն տեղում, ֆ. 34, դ. 15, թ. 241.

ցադրում հաղորդում է Ենիսեյան նահանգական ժանդարմական վարչության պետին, որ Ս. Սպանդարյանը բնակեցված է նշանակված տեղում և նրա վրա սահմանված է «խիստ հսկողություն»¹:

Ս. Սպանդարյանն աբսորատեղ հասնելուն պես՝ աշխույժ կապ է հաստատում շրջակա գյուղերում բնակեցված աբսորականների հետ, հենց սկզբից նկատելով որոշ մարդկանց մոտ տարրեր սլարտիանների ու ֆրակցիանների պատկանող աբսորականների միջև տարբերությունը չնկատելու, աբսորականի բախտակցական համերաշխ կյանք վարելու տենդենց, հեգնանքով ասում է. «Որպիսի՜ անդորր, որպիսի՜ ներդաշնակություն. ամեն խնդրում համաձայն են իրար հետ, թե բոլշևիկները, թե մենշևիկները, թե էսեռները, սրանից լավ բան»²:

Աբսորում պատահում էին մանրբուրժուական թուլամորթ տարրեր, որոնց 1905—1907 թթ. ռևոլյուցիան մակերես էր բարձրացրել և մասնակից դարձրել ռևոլյուցիոն պայքարին, որի համար ցարը նրանց ևս աբսորել էր Սիբիր: Այդպիսի տարրերը ամբողջովին հուսալքվում, ասլատիայի էին ենթարկվում և կորցնելով հեռանկարը, չդիմանալով աբսորի դաժան պայմաններին, հաճախ իրենց կյանքին վերջ էին տալիս ինքնասպանությամբ:

Ս. Սպանդարյանը նմաններին և՛ ծաղրում, և՛ արհուլթյուն է ներշնչում, ցույց տալով նրանց բանվոր դասակարգի, պրոլետարիատի ռևոլյուցիայի գալիք հաղթանակի հեռանկարը: «Ինչ եք թմրել ու տգաթեել,— ասում էր նա,— ռևոլյուցիան յոթը սարի հետևում չէ»³:

Աբսորատեղում Սպանդարյանը կրկնապատկված եռանդով ու արհուլթյամբ շարունակում է գործել:

1913 թ. դեկտեմբերի 15-ին իր կնոջը՝ Օլգա Վյաչեսլավովնային ուղարկած նամակում նա գրում է. «Ուղարկեցեք գրքեր... Մենք ուզում ենք այստեղ դրադարան ստեղծել: Խնդրիր ծանոթներին: Ցանկալի է պատմության, էկոնոմիկայի, քաղաքատնտեսության մասին և այլն և այլն: Ուղարկիր այն ամենը ինչ կարող ես, ամեն տեսակի գրականություն: Ուղարկիր ինձ տվյալներ Կովկասի բնակչության մասին, ցեղերի քանակը յուրաքանչյուր նահանգում կամ մարզում և մի շարք մեծ քաղաքներում, օրինակ՝ Թիֆլիսում, Բաքվում, Երևանում, Քութայիսում և այլուր, որքան կա յուրաքանչյուր ազգությունից: Տվյալները պետք է շատ թե քիչ նոր լինեն: Ես մի բան եմ գրում «ազգային հարցի» շուրջը, վճռականապես պայքարում եմ ավտոնոմիայի դեմ, ի դեպ, գտիր Կովկասում դեմստիոյի վերաբերյալ եղած նյութերը»⁴:

Այսպես, Սպանդարյանն այնտեղ ձեռնամուխ է լինում աբսորականների համար դրադարանի ստեղծմանը, ազգային հարցի մասին գիրք է գրում⁵, աշխույժ կապ է հաստատում գավառի աբսորականների հետ և այլն:

1914 թ. մայիսի 1-ին Պերովկա գյուղի մոտի անտառում Ս. Սպանդարյանը կադմակերպում է Մայովկա, որին մասնակցում են շրջանի աբսորական-

¹ ՏՃԱ Կրասնոյարսկիյ Կրաեւոյ արխիւ, ֆ. 34, ք. 13, թ. 27:

² Ս. Խաճոյան, «Սուրեն Սպանդարյան», 1927, Երևան, էջ 22:

³ Նույն տեղում:

⁴ Մարտիկ-լենինիզմի ինստիտուտի Հայկական ֆիլիալի արխիվ, ֆ. 6:

⁵ Պահանջվող նյութերը չստացվեցին և Սպանդարյանը «Ազգային հարցի մասին» աշխատությունը չավարտեց:

ներն ու տեղի բնակչությունից, նա կրակոտ ճառով հանգես է գալիս այդ ցույցի ժամանակ:

Այս ժամանակամիջոցում Վ. Ի. Լենինը փորձում է կազմակերպել մի շարք աչքի ընկնող բոլշևիկ գործիչների փախուստը աքսորից: Ն. Կրուպսկայան ուղարկում է նրանց գրամ, անցագրեր՝ արտասահման անցնելու համար: Ս. Սպանդարյանի դրամը, անցագիրը ստացված, իր բարձի մեջ պահված է լինում: Բայց այս բոլորն արվել էր հետագայում մերկացված պրովոկատոր Մալինովսկու միջոցով, որը և՛ ապահովել էր գրամի ու անցագրերի կազմակերպումն ու հանձնումը բոլշևիկ աքսորականներին, և՛ այդ մասին հայտնել էր պահնորդական բաժնին:

«Մալինովսկին, — գրում է Վ. Ի. Լենինը, — մատնեց տասնյակ ու տասնյակ լավագույն և ամենաանձնվեր ընկերների, նրանց ուղարկել տվեց տաժանակրության և արագացրեց նրանցից շատերի մահը»:

Երբ հայտնի է դառնում մի շարք աչքի ընկնող պարտիական գործիչների, այդ թվում Ս. Սպանդարյանի փախուստը կազմակերպելու մտադրության մասին, ամբողջ ոստիկանությունն ու ժանդարմերիան ոտքի են հանվում, Պետերբուրգից Կրասնոյարսկ, Կրասնոյարսկից Նիսսեյսկ և Տուրուխանյան երկրամասի ժանդարմական բաժանմունքները թռչում են հեռագրեր, ճեպագրեր (депеше) ու հարցումներ:

Ներքին գործոց մինիստրության դեպարտամենտը իր 1914 թ. մայիսի 2-ի գրությամբ տազնապով հայտնում է Նիսսեյան նահանգի ժանդարմական վարչության պետին՝ Սվերդլովի, Սպանդարյանի և Ստալինի փախուստը աքսորից Լենինի կողմից կազմակերպելու մասին և վերջում ավելացնում է. «Հաղորդելով հիշյալի մասին՝ ոստիկանության դեպարտամենտը խնդրում է Ձերդ բարձր ազնվությանը՝ միջոցներ ձեռք առնել կանխելու հիշյալ անձերի փախուստը աքսորավայրից»³:

1914 թ. մայիսի 13-ին Նիսսեյսկի նահանգի ժանդարմական վարչության պետն իր հերթին հաղորդում է, որ «Պետրովսկի պալատի աքսորաբնակ Սուրեն Սպանդարի Սպանդարյանը մտադիր է փախչել և, բացի այդ, նրան հանձնարարված է օգոստոսին Վիեննայում հրավիրվող համագումարի համար նյութեր պատրաստել»⁴ և կարգադրում է ձերբակալել ու ավելի հեռու աքսորել Սպանդարյանին:

Այս բովանդակությամբ գրություն բազմաթիվ անգամ, բազմաթիվ ձևերով վերաշարադրված ուղարկվում է Նիսսեյսկի նահանգի ոստիկանության բոլոր բաժանմունքներին, բանտային վարչություններին ու տեսուչներին և կարգադրվում է խստագույն միջոցների դիմել Ս. Սպանդարյանի փախուստը կանխելու համար⁵: Որոշվում է Սպանդարյանին ձերբակալել և ուղարկել ավելի հեռու, Տուրուխանյան երկրամասը, որի հիման վրա Կանսկի գավառի առաջին բնա-

³ Միայն Հոկտեմբերյան սեպտեմբերի հաղթանակից հետո հայտնի դարձավ, որ Մալինովսկին պրովոկատոր է եղել, սեպտեմբերն արիստոսալի գատին տրվեց և գնդակահարվեց:

⁴ Վ. Ի. Լենին, Երկեր, հատ. 31, Երևան, 1952, էջ 36:

⁵ Красноярский Краевой Гос. архив, ф. 34, д. 15, л. 30. Красноярский Краевой Гос. архив, стр. 34, опись 14—4952

⁶ Капское Полицейское Управление, Дело о сосланном за государственные преступления ссыльном по ланце Сурене Спандарове Спандарине.

⁷ 1931 թ., երբ ես եղա Կրասնոյարսկում, Նիսսեյսկում և Տուրուխանյանում այնտեղի արխիվներում տեսա նույն բովանդակությամբ բազմաթիվ գրություններ, Սպանդարյանի մասին գտա ավելի քան 81 ժանդարմական և այլ փաստաթղթեր:

կավայրի պրիստավը գրում է. «1914 թվականի մայիսի 25-ին, ես Կանսկի գավառի 1-ին բնակավայրի պրիստավս, նկատի ունենալով ննիսեյսկի բանտային տեսչության ս./թ. մայիսի 14-ի № 10955 և գավառային տեսչության ս./թ. մայիսի 20-ի № 1068 գրությունը՝ պետական հանցագործության համար արքարաբնակ Սուրեն Սպանդարյանի Սպանդարյանցին Պերովսկ գավառակի Իննոկենտիեկյա գյուղից պոլիցիայի խիստ հսկողության ներքո Տուրուխանյան երկիր փոխագրելու մասին՝ որոշեցի՝ հիշյալ Սպանդարյանին էտապային կարգով ուղարկել Տուրուխանյան բաժանմունքի պրիստավի տրամադրության տակ, իսկ առաջիկայում, մինչև արքայազնների խմբի ուղարկելը, նրան կալանավորել Կանսկի բանտում, սահմանելով նրա վրա ուժեղ պահակություն: Այս որոշման մասին իրեն հաղորդեյ»:

Որոշման վերջում Սուրեն Սպանդարյանի ձեռքով կա գրված հետևյալ տողերը. «Սույն որոշումը ինձ հայտնված է. Ս. Սպանդարյան»¹, իսկ Սպանդարյանը ձերբակալվում է:

Մայիսի 26-ի ժանդարմական մի այլ գրության մեջ (այլ գրություններում ևս) հաղորդվում է, որ Սուրեն Սպանդարյանը Սպանդարյանը շղթայակապ ուղարկված է Տուրուխանյան բաժանմունքի պրիստավի տրամադրության տակ²:

Երկաթե բարժայի վրա, նեխված ճահճուտներով, շղթայակապ, կտրելով 2000 կիլոմետր տարածություն, Ս. Սպանդարյանը հունիսի 25-ին հասնում է Տուրուխանյան երկրամասի Մոնաստիրսկոյե³ գյուղը:

Տեղ հասնելուն պես, նույն օրը Ս. Սպանդարյանը իր կնոջը գրում է.

«Ես արդեն Տուրուխանյան երկրումն եմ և ճաշակում եմ նրա բոլոր «հրաշալիքները»... Գրքեր և թերթեր ուղարկեցեք ինձ: Չէ՞ որ առանց դրան կարելի է բոլորովին խելագարվել... Ուղարկիր, կամ խնդիր ուղարկել Միխ. Ալ. (Մ. Ա. Լարին — Ա. Մ.) հասցեն: Ես նրան նամակ կգրեմ, որով կխզեմ նրանից իմ բոլոր հարաբերությունները՝ լիկվիդատորական թերթում նրա վրդովեցուցիչ էլույթից հետո»⁴:

Լարինի հասցեին գրած տողերը ավելորդ անգամ ցույց են տալիս Ս. Սպանդարյանի սկզբունքային կայունությունն ու անողորմությունը դեպի մարքսիզմ-լենինիզմից շեղվողները: Մ. Ա. Լարինը նրա մոտիկ ընկերներից էր, հին պարսիական աշխատող, ունեցուցիկ գործունեության համար 1902 թ. դատի տրվեց և 8 տարով արքայազն Սիրիու Ռեակցիայի տարիներին, երբ նա բռնեց լիկվիդատորական ուղի, Ս. Սպանդարյանը ամեն տեսակի կապերը խզեց նրանից:

Նույն նամակում Սպանդարյանը նկարագրում է Տուրուխանյան երկրի դաժան պայմանները. «Արդեն մի հանգամանք շատ բան է բնորոշում, — գրում է նա, — 1,624,500 քմ., իսկ բնակիչները 12 հազարից պակաս», ամեն բան թանկ է, աշխատելու հնարավորություն չկա, վարչական կարգով արքայազններին ամսական 15 ռուբլի նպաստ են տալիս, իսկ դատարանով արքայազններին ոչինչ: — Կարող եք երևակայել իմ դրությունը, — շարունակում է նա: — Առաջվա արքայազն եմ միթիչ վաստակում էի, կյանքն էլ էժան էր և մի կերպ ծայրը ծայրին հասցնում էի: Այստեղ ես թողնված եմ բախտի քմահաճույթին և չգիտեմ ինչ անել»⁵:

¹ Красноярский Краевой Гос. архив, ф. 34, д. 15, л. 7.

² Նույն տեղում, ֆ. 34, գործ. 15, թերթ 31:

³ Այժմ՝ Ն. Տուրուխանսկ:

⁴ Մարքսիզմ-լենինիզմի ինստիտուտի Հայկական ֆիլիալի արխ., ֆ. 6, դ. 61:

⁵ Նույն տեղում:

Մոնաստիրակոյն մի անկումնելի բնական բանա էր, որից ոչ ոք զուրա պրծնել չէր կարող: Այնտեղ գնացողի համար աստջին պահից թվում էր, թե քանի որ իր շուրջը ամացի, անծայրածիր, անմարդարեակ տարածություն է, քանի զեռ ցուրտն ու քաղցը չեն լսվել իր ասողջութունը, կարող է անարգել փախչել. ինչպես Սպանդարյանն է գրում՝ «Դուրս գալ աշխարհ»¹ Բայց այդ միայն թվում էր: Հշտախից անմարդարեակ առնպրան էր, զեպի այդ կողմը հեռանալու զեպ. բում սպասվում էր անխուսափելի սովամահություն, Արեւելից և Արեւմուտքից տարածվում էին տալգայի անանցանելի անտառները, որտեղ ճանապարհներ չկային, թափառում էին գիշատիչ զագաններ, որոնք կարող էին աստջին երեսցող անգին մարդուն անմիջապես հոշոտել: Միակ ճանապարհը Հարավից մնում էր Ենիսեյ հսկա գետը, որը այս ամից մյուս ամի չի երևում, լայնությունը տեղ-տեղ հասնում է 8 կիլոմետրի, նրա վրա լողում են օվկիանոսային նավեր, երկարությունը 3807 կիլոմետր է: Ծովային ճանապարհորդը Ենիսեյ գետի վրա նավով ամելի շատ ճանապարհ է կտրում, բան էենինդրապից էոնգոն անցնելիս:

Տեղի հասակավոր բնակիչները պատմում էին, որ աքսորյալները տեղ հասնելիս, սկզբից մտածում էին փախչելու մասին և փախչելու փորձերի գիմում էին, բայց, երբ համոզվում էին, որ Տուրուխանյան երկրամասից փախչելը անհնար է, նրանցից շատերը հուսալքված, իրենց կյանքին վերջ էին ապիս ինքնասպանությունը, նեւովում էին Ենիսեյ գետը, կամ խելադարվում էին: Եվ բոլորովին զարմանալի չէ, երբ Տուրուխանյան երկիր աքսորված զեկարբիստներից Շախովսկին խելադարվից:

Կաշուն բոլշեիկը մազաշափ անգամ չի բնկճվում: Ես կապ է հաստատում շրջակա գյուղերի աքսորականների հետ, նրանց հետ միասին սեույուցիոն աշխատանք է տանում տեղի բնակչության մեջ, ձեռնամուխ է լինում զերմաներեն, ֆրանսերեն լեզուների ուսումնասիրությանը, ինչպես նաե հայոց լեզվի բերականությունն ուսումնասիրմանը: Երեխաներից պահանջում է ուղարկել զերմաներեն և ֆրանսերեն լեզուների բառարաններ. «Այժմ,— գրում է նա իր երեխաներին,— ես ետանդով գրադվում եմ զերմաներեն լեզվով, իսկ մոտ օրերս կսկրււււմ ես ֆրանսերենը: Մի բան վատ է, ես կանոնավոր բառարան չունեմ՝ ոչ մեկ և ոչ մյուս լեզվից, չունեմ նաե բնթերցանության գիրք: Գուցե զուր ունեք, ապա եթե կարող եք՝ ուղարկեք ինձ... Կվերադարձնեմ, երբ այլևս նրանց կաքիքը չեմ ունենա» Բ. Շահպարտյանից պահանջում է, որ նա ուղարկի իրեն Մ. Արեղրանի «Հայոց լեզվի բերականությունը»:

Սպանդարյանը երբ հասնում է Մոնաստիրակոյն գյուղը, նրան մեծ հարգանքով ու հանդիսավորությամբ են գիմավորում այնտեղ աքսորված բոլշեիկներ Մասլեննիկովը, Թոդրատը, Գոլրեշկինը, Լիտկինը և ուրիշները: Աստջին ամիսը նա տեղավորվում է աքսորյալ բնկերներից մեկի՝ Թոդրատի մոտ, ապա այնտեղ արտաքսված Լուկաշեիչը, որը մոտ էր կանգնած սեույուցիոններին, և առետրով էր գրադվում, իր մեկ սենյակը նախատեսյակով հանդերձ տրամադրում է Ս. Սպանդարյանին, որտեղ նա ապրեց 1914—1916 թթ., այսինքն մինչև իր հիստարանչ կյանքի վերջը:

Մոնաստիրակոյն գյուղի հին բնակիչները մեծ հարգանքով ու տկնածանքով են հիշում Ս. Սպանդարյանին:

¹ Մարքսիզմ-լենինիզմի ինստիտուտի Հակոկան ֆիլիալի արխիվ, ֆ. 6, գործ 106:

Մոնաստիրսկոյե գյուղի հին բնակիչ, ազգությամբ էվենոկ, Կոնստանտին Ալեքսանդրովիչ Միցկին, որի հիշողությունները զրի առնվեցին մեր կողմից, Ս. Սպանդարյանի մասին հետևյալը պատմեց.

«Նա շատ լավ եմ հիշում ընկ. Ս. Սպանդարյանին։ Մի անգամ ինձ իր մոտ կանչեց Յակով Եֆրեմովիչ Բոգրատը, ծանոթացրեց Սպանդարյանի հետ ու առաջ, սա մեր լավ ընկերն է, օգնիր նրան, մենք զրա համար քեզ կվարձատրենք։ Այս 1914 թ. ամառն էր, նա այն ժամանակ ձի և սահնակ ունեի, նրա համար ջուր և փայտ էի բերում։ Նրանից հետո ես շատ հաճախ էի գնում ընկ. Սպանդարյանի մոտ։ Նա ուներ շատ զրքեր, գիտնական մարդ էր, իրավարան։ Մի անգամ ես ինձ համար գիմում գրեց հաշտարար դատարանին, ինչպես և գիմումներ էր գրում շատ գյուղացիների համար»¹։

«Մեզ գյուղացիներին,—շարունակում է Միցկին,—զարմացնում էր Սպանդարյանի, այդ վտիտ մարդու մեծ եռանդը, մարդկանց հոգին արագ կարգադրողություններ։ Իր մոտ եկող գյուղացու վիշտը, լինելը թե հասարակական, թե անձնական-տնտեսական, արագ հասկանում և ուղղություն էր տալիս։ Նա շատ կարգում, գրում էր, գյուղացիներին հավաքում, նրանց հետ մոտ, սրտանց զրույցներ էր ունենում։ Նա մի անգամ պատմեց, որ ինքը Անդրեովկասից է, այնտեղ կլիման մեղմ է, տաք, բուսնում են զանազան քաղցրահամ մրգեր, կղա ժամանակ, երբ բանվորներն ու գյուղացիները իշխանության գլուխը կանցնեն, այն ժամանակ բուրժուաներին կքշենք այստեղ, աշխատավոր մարդիկ բոլոր տեղերում կսպրեն ազատ ու երջանիկ։ Մենք շտեպնված հետաքրքրությամբ լսում էինք նրան, կլանում նրա յուրաքանչյուր բառը։ Կարճ ժամանակում տեղի բնակիչների մեջ և Ենիսեյի ափի հեռավոր գյուղերում նրա համբավը տարածվեց, որպես խոշոր գիտնական»։

Հաղթահարելով իր թույլ օրգանիզմի համար անսահման զովարություններ, Սպանդարյանը արագ հարմարվում է իր նոր բնակավայրին։ Նա վերցնում է փոքրիկ շնիկներ, խնամում ու մեծացնում է, ապա լծում սահնակ, տալիս այն փայտ տեղափոխում, սովորում է դահուկներով շատ վարժ սահել, նավավարել նավակ։

Սպանդարյանը կարճ ժամանակում այնքան է վարժեցնում իր շներին, որ նրանց լծած արդեն շատ հեռավոր ճանապարհորդություններ է կատարում, գնում է հեռավոր գյուղեր (իհարկե ոստիկանությունից պաղտնի) բնիկների մոտ, շարունակում է պարտիական, ազիտացիոն սրտազուգանդիստական աշխատանք տանել։

Վրա հասավ առաջին համաշխարհային իմպերիալիստական պատերազմը։ «Աքսորավայրում,— գրում է Վ. Շվեյցերը,— սկսվեցին տաք վիճարանություններ ու վեճեր պատերազմի մասին... Սուրենը մի շարք զեկուցումներով ու զրույցներով ապացուցում էր, որ մեր հիմնական դիժը պատերազմի վերաբերմամբ կարող է լինել միայն Ռուսաստանի պարտությունը, թե այդ պայմաններով մենք կարողացնենք ռեոլյուցիան... Եվ երբ երկար ժամանակից հետո Սուրենը ստացավ 7 թեղիսները² (Լենինի — Լ. Մ.) պատերազմի մասին... այն ժամանակ ամբողջ արքայավայրը համոզվեց, թե Սուրենի նախագծած ուղին

¹ Ս. Սպանդարյանի տուն-թանգարան, Կ. Ա. Мицкий, «Воспоминания о жизни С. С. Спандаряна (Турханске, 1914—1916 годы)».

² ՏԵՄՎ. Ի. Լենին, Երկեր, հատ. 21, էջ 3—8։

ճիշտ է: Նա հիշում եմ, թե ինչպես մեծ ուրախություն պատճառեց Սուրեն Սպանդարյանին, որ նրա մտքերը զուգադիպեցին Հենինի թեզիսների հետ»¹:

Նույն կերպ է հիշում այն ժամանակ նույնպես արքայադստեր ընկ. Շումացկին. «Տուրուխանի առաջին «պարտվողականը» Սպանդարյանն էր, — գրում է նա: Սուրենը երկրի «մայրաքաղաք» Մոնաստիրսկոյեում համախմբում է իր շուրջը արքայադստեր լավագույն տարրերին և իր հրաբորբոք ինտերնացիոնալիզմով հարկադրում է նրանց սրտերին բարախել շովինիզմի դեմ. նա նախադրում է ուսուցչի հանձարեղ մտքերը, որ այն ժամանակ գտնվում էր արտասահմանում և ազդարարեց՝ «պատերազմին պատերազմ»²:

Ս. Սպանդարյանը, ինչպես մեր ամբողջ պարտիան, անսահման սիրում էր համայն աշխարհի պրոլետարիատի հանձարեղ ուսուցիչ Վ. Ի. Հենինին և մինչև վերջը նա ուներ աշխույժ նամակագրություն նրա հետ:

1915 թ. փետրվարի 27-ին Ս. Սպանդարյանը գրում է Վ. Ի. Հենինին «Բարև Ձեզ, թանկագին Վլադիմիր Իլյիչ»:

Այս բոլորիս Իոսիֆն ինձ մոտ հյուր է, և ցանկություն ծագեց ուղարկել Ձեզ մեր ողջույնը: Ինչպես եք ապրում, ինչ եք անում, ինչպես է Ձեր տրամադրությունը: Գրեցեք ինչ որ կարող եք: Ծարավի ենք կենդանի խոսքի, կսպասենք Ձեր նամակին: Ողջուն նաղեժդա Կոնստանտինովնային... և ընդհանրապես բոլոր բարեկամներին:

Սուրեն»³:

1915 թ. 4-րդ Պետական դումայի բոլշևիկյան ֆրակցիայի անդամները՝ Ա. Բադանը, Գ. Պետրովսկին, Մ. Մուրանովը, Ֆ. Սամոյլովը և Ն. Շագովը, ցարիզմի և իմպերիալիստական պատերազմի դեմ բոլշևիկյան պրոպագանդայի մղելու համար դատի տրվեցին և արքայադստեր Տուրուխանյան երկիր: Նրանց հետ միասին դատի տրվեց և արքայադստեր Կամենկը: Նրանք Մոնաստիրսկոյե հասան 1915 թ. հուլիսի 5-ին: Շուտով կայացավ Տուրուխանյան արքայադստեր գտնվող բոլշևիկների խորհրդակցություն, որտեղ Դումայի բոլշևիկյան ֆրակցիան ղեկուցեց դատավարության պրոցեսի մասին: Խորհրդակցությունը հիմնականում հավանություն տալով 5-յակի վարքագծին, խիստ դատապարտում է Կամենկի վարքագիծը, որը դատարանում իրեն պահել էր քաղաքական երկշտուրքամբ: Հրաժարվել էր բոլշևիկյան պարտիայի քաղաքականությունից, հայտարարել էր, որ նա պատերազմի հարցում բոլշևիկյան պարտիայի քաղաքականության հետ համաձայն չէ, և այդ մասին վկայակոչելով մենշևիկ Իորդանսկուն՝ պահանջել էր նրան դատարան կանչել, իր՝ Կամենկի հակաբոլշևիկյան վարքագիծը պատերազմի հարցում հաստատելու համար: Ս. Սպանդարյանը մյուս ընկերների հետ միասին հանդես գալով, խիստ դատապարտում է Կամենկին, դատարանում նրա արտասանած ճառը որակում է, որպես «լիբերալ ազվովատի ճառ»: «Այդ նիստում, — գրում է ընկ. Սամոյլովսկին, — Գ. Ի. Պետրովսկին ղեկուցեց մեր դատական պրոցեսի մասին, իսկ Լ. Բ. Կամենկը լրացրեց նրան: Ձեկուցումից հետո կայացավ մտքերի աշխույժ փոխանակություն, որի ընթացքում ելույթ ունեցող ընկերները ցույց տվին մեր թույլ տված սխալները դատարանում, առանձնապես այդ շատ խիստ արեց ընկ. Սպանդարյանը»⁴:

¹ «Մարտակոչ», № 219, 26 սեպտեմբերի, 1926:

² Սուրեն Սպանդարյան, Հոգիվածների ժողովածու, 1927, Երևան, էջ 17:

³ «Пролетарская Революция» ժուռնալ, № 7, 1936, էջ 167:

⁴ Փ. Խ. Տախիլով, По следам минувшего. «Большевики», стр. 522:

Սպանդարյանը դատապարտելով Կամենևի վարքագիծը դատարանում, ասում է, որ բոլշևիկ ուղղությունները պետք էր ցարական դատարանում արտասանած ճառում կարգար ցարական նեխված ուժի մեղադրականը, անվախ ու համարձակ կերպով շարադրեր բոլշևիկյան պարտիայի պատֆորման, օգտագործեր դատարանի ամբիոնը բոլշևիկյան հայացքների տարածման, ցարական ուժի և պատերազմի թալանչիական բնույթի մերկացման համար:

Սպանդարյանը հեռավոր Սիբիրից էլ միշտ իր հայացքն ուղղել է դեպի իր սիրելի ուսուցիչ Վ. Ի. Լենինը և մինչև իր կյանքի վերջը շարունակել է նրա հետ աշխույժ նամակագրություն: 1915 թ. օգոստոսին նա Վ. Ի. Լենինին ու Ն. Կ. Կրուպսկայային գրում է.

«Բանկազին ընկերներ, Ողջույն Ձեզ Բենեռային երկրից, Մի քանի անվամ գրել ենք, բայց չգիտենք, Ձեզ լուրեր հասել են այստեղից... Մենք մեղադրվում ենք զգում և տրամադրված ենք պայտիստորեն: Մենք ընդհանրապես պայտիստներ ենք... Ձեր Տիմոֆեյ»¹:

1915 թ. սեպտեմբերի 28-ի նամակում Սպանդարյանը գրում է Վ. Ի. Լենինին ու Կրուպսկայային.

«Բարեկամներ, Ձեր 28/8 նամակն ստացանք: Նա շատ վնասվել է երկար հանապարհորդությունից դեպի մեր բենեռային երկիրը, այդ պատճառով էլ շատ նման է Աստրեաստանի թագավորների դժվարընթեռների բենեռներին Այնուամենայնիվ շնորհակալություն նամակի համար: Մենք ողջ և առողջ ու առույգ ենք և մտադիր ենք այսուհետև ևս նույն վիճակում մնալ: Այդ բոլորից ցանկանում ենք նաև Ձեզ: Ողջույն մեզանից բոլորիդ, Ձեր Սուրեն»²:

Բանտն ու հալածանքները, Սիբիրի դաժան պայմանները՝ սառնամանիքն ու կիսաքաղց վիճակը և աննկարագրելի տանջանքները ֆիզիկապես հյուսում ու քայքայում էին Սպանդարյանի առողջությունը, անճանաչելու չափ փոխում նրա դեմքը, բայց մազաչափ անգամ չէին կարողանում կոտրել նրա պողպատե կամքը, թուլացնել նրա ուղղությունն էնտուզիազմն ու եռանդը:

Սպանդարյանը հեռավոր Սիբիրից միաժամանակ կապ է պահպանում Թիֆլիսի, Բաքվի, Պետերբուրգի և այլ քաղաքների բանվորների հետ: Իր նամակներում նա բանվորներին ուղղություն էր տալիս, ոգևորում նրանց, խարազանում էր բանվորների շրջանում տեղ գտած մեղանական տրամադրությունները: Պետերբուրգի բանվորներից ստացված մի նամակի առթիվ Սպանդարյանը գրում է.

«Այս օրերս... «Պետերբուրգից» մի խումբ բանվորներից ստացա երկու ուրլի երեսուն կոպեկ և մի քանի սրտագին տողեր: Ինքնըստինքյան հասկանալի է, որ այդ չնչին գումարը ինձ համար ոչ մի նյութական նշանակություն չունի, բայց ինչքան մխիթարություն, ինչքան բարոյական ուժ է տալիս այդպիսի ուշադրությունը»³:

Միաժամանակ նա նամակ է ստանում Թիֆլիսից մի գրաշար բանվորից (անունը՝ Նշան), որն իր նամակում գրում է, որ Ս. Սպանդարյանն իր կրթության մեջ, իր ընդունակություններով ու խելքով կարող էր «լավ ու շքեղ կյանք ունենար», եթե իրեն չնվիրեր ուղղություն գործին, մինչդեռ «աքսորվելով Սիբիր մուծիկ է դառել»:

¹ Архив Института Марксизма-ленинизма, опись 27297.

² Նույն տեղում, опись 27234.

³ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 6, գ. 112:

Սպանդարյանը խորը զայրույթով պատասխանում է այդ բանվորին. «Ես մուժիկ» չեմ դարձել, երկրորդ, ես լավ գիտակցում եմ, ինչո՞ւ համար եմ այս դրուժյան մեջ, երրորդ՝ բանվորը այս պայմաններում ինձպես մարդուն այդպիսի բաներ չպետք է գրի... Միանգամայն թքել եմ «լավ և շքեղ կյանքի վրա»¹:

2

Հեռավոր Սիբիրից մեծ ունւյուցիոնների մեծ սիրտը միաժամանակ բաբախում է նաև հայ ժողովրդի համար: Նա բազմաթիվ անգամ նամակներ է գրում իր անդուգական ընկեր Ստեփան Շահումյանին ու Կովկասում աշխատող մյուս պարտիական ընկերներին՝ հորդորելով պայքարել հայ ժողովրդի կոտորածները կանխելու համար:

1915 թ. դեկտեմբերին Բ. Շահպարոնյանին ուղղած նամակում Ս. Սպանդարյանը գրում է. «Այդ ինչեր են կատարվում այդտեղ: Վայ էն ազգին, որի ձակատագիրը վճռում են ծակ փիլիսոփա Վարանդյանը... և «ազգային», բայց առանց տաղանդի փաստաբան, տիպիկական ֆիլիստեր Սամսոն Հարությունյանը: Մի՞թե ժամանակը չէ, մի՞թե մարդիկ չկան, որ այդ ոճրագործների վզին տան և այն շնչինը, որ գեռ մնացել է, ազատեն, պահպանեն: Սիրտս այրվում է, էլ չգիտես քանի անգամ սկսել եմ գրել... Բաքու, առաջադրելով մի որևէ բան գործել այդ ժողովրդասպանների գեմ»²:

Մի ուրիշ նամակում ավելի սրտաճմլիկ ու անհուն կսկիծով Ս. Սպանդարյանը գրում է. «Սիրտս կծկվում է ու արյունոտվում, երբ կարդում եմ այն հազարավոր փախստականների մասին, այն խեղճ ու տառապյալ, անլուր տանջվող և արյունոտ ժողովրդի, բռնաբարված կանանց ու մորթված երեխաների մասին: Ահա հայ ազգային քաղաքականությունը, ահա ողորմություն հայցող գաշնակների հեղափոխությունը: Տաճկաստանի ազատություն: Այո, «ազատություն», բայց առանց հայերի, այո, «ազատություն», որ դառնում է Պուրիշկևիչների և Միլյուկովների զավթուան»³:

Բայց նա դրա հետ միասին չի հուսահատվում: Խորը հավատով լցված դեպի Ռուսաստանի բանվոր դասակարգի, սոցիալիստական ունւյուցիայի հաղթանակը, որով կազատագրվեն բոլոր ճնշված ժողովուրդները, որոնց թվում նաև հայ ժողովուրդը, Սպանդարյանը խորը օպտիմիզմով գրում է. «Կգա ժամանակը, մշուշը կցրվի, վրա կհասնի արցունքների ծովի, արյան օվկիանոսների, միլիոնավոր խորտակված կյանքերի հատուցման ժամը»:

Այո, Սպանդարյանը չսխալվեց: Ամբողջ աշխարհը ականատես եղավ այդ հատուցման ժամին:

Հետաքրքրական են, ուսանելի են, մանկավարժորեն խիստ դաստիարակչական են Ս. Սպանդարյանի հեռավոր Սիբիրից գրած նամակներն իր սիրասուն երեխաներին, որոնց նա անհուն սիրով սիրում էր, որոնց անշեջ կարոտը սրտում մեռավ: Այդ նամակների վրա դժբախտաբար հողվածի ծավալը թույլ չի տալիս կանգ առնել:

1915—1916 թթ. ձմեռը Ս. Սպանդարյանի առողջությունը գնալով ավելի ու ավելի է սկսում վատանալ, ինչպես նրա հետ աքսորում եղած ընկերներն

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 6, դ. 108:

² Վարանդյան—դաշնակցական պարապլուսի, Ս. Հարությունյան—հայ կադետների պարապլուսի:

³ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 6, դ. 110:

⁴ Ս. Խանոյան, Սուրեն Սպանդարյան, Երևան, 1927, էջ 27:

են պատմում, սկսում է «մոմի նման հալվել»։ Բայց նա շարունակում է եռանդուն գործել, կազմակերպել ու մասնակցել աքսորականների զանազան խորհրդակցություններին, ղեկուցումներով հանդես գալ, նամակագրություններով շարունակել ընկերների հետ, արձագանքել երկրի քաղաքական կյանքի ամենահրատապ հարցերին։ Նա 1915 թ. մարտի 20-ին Շահպարտյանին գրում է. «Ով է խմբագրում «Պայքար»-ը, Շատ անհամ բան է, կույրաբար հետևում է վրաց թերթերին (մենշեկյան — Ա. Մ.)։ էլ չեմ ասում, որ լիկվիդատորական հոտը հո հեռվից արդեն զգացվում է... Ես բոլոր ժամանակ հիվանդ եմ, հաղի՜ հազ գրում եմ»¹։

Յարական բանակի պարտությունները ֆրոնտում, ազգային ազատագրական շարժումները չազախստանում և մյուս երկրամասերում, բանվոր դասակարգի և գյուղացիության ռևոլյուցիոն շարժումների աշխուժացումը միաժամանակ հողեկան արիություն էին ներշնչում ֆիզիկապես թուլացած Ս. Սպանդարյանին։ Նա սրտատրոփ սպասում էր գալիք ռևոլյուցիայի փոթորիկներին և պատրաստ էր արիարար նետվելու ռևոլյուցիայի փոթորկահույզ ալիքների մեջ ու խիզախորեն մարտնչելու ռևոլյուցիայի հաղթանակի համար։ Նա շարունակում է շթուլացող եռանդով գործել։

1915 թ. փետրվարին, ցարական կառավարության կողմից փակված բուլշեիկյան «Вопросы Страхования» ժուռնալը նորից լույս տեսավ։ Բուլշեիկյան այս ժուռնալը, որ լույս էր տեսնում լեգալ, պարտիական կյանքում, հատկապես լիկվիդատորության դեմ մղած կռիվում մեծ գեր խաղաց։ Երբ այս ժուռնալի առաջին համարը հասավ Տուրուխանսկ, Սպանդարյանը մի խումբ աքսորական բուլշեիկների հետ միասին հավաքեց դրամական միջոցներ և ողջունի տողերի հետ միասին 1916 թ. մարտին ուղարկեց ժուռնալի խմբագրությանը²։

Հենց այս նշանավոր փաստաթուղթը գրելու օրերին, Ս. Սպանդարյանի առողջությունը սկսում է խիստ վատանալ։ Ս. Սպանդարյանը դեռ 1915 թ. դեկտեմբերին դիմել էր նահանգապետին, որպեսզի բուժվելու նպատակով իրեն թույլատրվի ապրել Ենիսեյան նահանգի քաղաքներից մեկում և 1916 թ. հունվարի 29-ին ստացել հետևյալ պատասխանը.

«Գեներալ-նահանգապետի դրասենյակը հայտնում է Տուրուխանյան երկրի աքսորաբնակ Սուրեն Սպանդարյանի Սպանդարյանին, որ նրա 1915 թվականի դեկտեմբերի 5-ի դիմումը տրված նորին դերազանցությանը՝ միջնորդելու մասին նրան ապրելու Ենիսեյան նահանգի քաղաքներից մեկում, երկրամասի ղլխավոր պետի կողմից թողնված է անհետևանք»³։

Այնուամենայնիվ աքսորյալ բուլշեիկներին խորհրդակցությունը որոշում է նորից միջնորդել Պետերբուրգ՝ կառավարության առաջ՝ Սպանդարյանին բուժման նպատակով Ենիսեյան քաղաք փոխադրելու համար։ Պետերբուրգից ստացված կարգադրության համաձայն Կրասնոյարսկից դատախազը դալիս ստուգում է Սպանդարյանի վիճակը, որից հետո միայն նրան թույլատրում են տեղափոխել Ենիսեյսկ քաղաքը։ Այս առթիվ Շահպարտյանին 1916 թ. մայիսի 28-ին գրած նամակում Ս. Սպանդարյանն ասում է. «Ես շատ հիվանդ եմ, ծանր դրության մեջ եմ։ Այս օրերս շոգենավով եկավ պրոկուրորը և Պետերբուրգից

¹ Մարրսի գլխնի ինստիտուտի հայկական ֆիլիալի արխիվ. ֆ. 5, դ. 114։

² ՏՃ՝ «Вопросы Страхования». № 6, մայիս, 1916. որտեղ մի խումբ աքսորված բուլշեիկների առողջագրությանը լույս է տեսել այդ ողջունը։

³ Красноярский Краевой Гос. архив. ф. 34, д. 15, л. 15.

եկած հրամանի համաձայն ենթարկեց ինձ բժշկական վկայության և անմիջապես վերադարձավ Կրասնոյարսկ, տանելով իր հետ պրոտոկոլը: Ինչ կլինի չգիտեմ: Էտապով ճանապարհվելն ինձ համար մահ է»¹:

Այդ նույն օրը, 1916 թ. մայիսի 28-ին, Սպանդարյանը նամակ է ուղարկում Վ. Ի. Լենինին և Կրուպսկայային, որտեղ, նորից պահպանելով ոգու կայտառությունը, գրում է.

«Խանկադին ընկերներ: Հղում ենք Ձեզ մեր սառը երկրից ամենաբոցավառ ողջույնը: Մենք ոգով արի ենք և նույնը ցանկանում ենք Ձեզ: Գրեցեք թեկույ ոչ հաճախ: Իմաց տվեք այդտեղի դորժ ու մորժի և կյանքի մասին: Գրեցեք Ձեր վերաբերմունքի մասին դեպի «Լետոպիս»-ը²: Մեղ հավատացնում են, իբր թե Դուք (այսինքն՝ Վ. Ի. Լենինը — Ա. Մ.) համաձայնության եք եկել, և քիչ է մնացել ձեր աշխատություններն ուղարկեք այնտեղ: Այս, ճիշտ է արդյոք: Ինչ որ անհավատալի է: Երմանսկիներ, Վալսկիներ և Դուք:

Նորից ողջույն բոլոր ընկերներին և բարեկամներին»³:

Այս տողերը նույնպես հաստատում են բոցաշունչ բոլշևիկի կայունությունը ու անսահման սկզբունքայնությունը:

Ս. Սպանդարյանը ծանր վիճակում պառկած էր անկողնում: Նրան Տուրուխանյան երկրամասից փոխադրելու կապակցությամբ սկսվում են բազմաթիվ գրազրույթություններ: Վերջապես երկար ձգձգումներից հետո թույլատրվում է նրան փոխադրել Ենիսեյսկ քաղաքը: Բոլշևիկ աքսորյալների միջնորդությամբ, Սպանդարյանին ուղեկցելու և խնամելու համար թույլատրվում է նաև Վ. Լ. Շվեյցերին փոխադրվել Ենիսեյսկ քաղաքը: Այս առթիվ Ենիսեյսկի նահանգային բանտային տեսչությունն իր 1916 թ. հունիսի 4-ի № 76637 գրությամբ հայտնում է հետևյալը. «Տուրուխանյան երկրամասի պետական հանցագործության համար աքսորաբնակ Սուրեն Սպանդարով Սպանդարյանը և նույն հանցագործության համար Կանի դավառի Պետրովսկ վոյստի աքսորաբնակ Ռեվելյա Լազերենա Շվեյցերին նահանգի ու կառավարչի կողմից թույլատրված է ապրելու Ենիսեյսկի քաղաքում, որտեղ այժմ մեկնել է Շվեյցերը»⁴:

Հունիսի 20-ին Սպանդարյանին տրվեց անցման վկայական՝ Ենիսեյսկ քաղաք փոխադրվելու համար, վերցնելով նրանից ստորագրություն: Այդ փաստաթուղթը, որ գրված է ծուռումուռ ձևագրով և վկայում է Սպանդարյանի ծանր վիճակը, հետևյալ բովանդակությունն ունի.

«20 հունիսի 1916 թ. ես, ներքո ստորագրող պետական հանցագործության համար Տուրուխանյան երկրամասի աքսորաբնակ Սուրեն Սպանդարով Սպանդարյանս, տալիս եմ սույն ստորագրությունը այն մասին, որ բաժանմունքի պրիստավի № 276 անցման վկայականը (переходное свидетельство) երկրամասից Ենիսեյսկ քաղաք փոխադրվելու մասին այսօր ստացա, որպիսին պարտավորվում եմ Ենիսեյսկ քաղաք հասնելուն պես ներկայացնել Ենիսեյսկի

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 6, դ. 113:

² «Летопись»-ը ինտերնացիոնալ ուղղության մի ժուռնալ էր, որի հրատարակմանը մեծագույն մասնակցություն ունեւր Մ. Գորկին, բայց նրա խմբագրության մեջ աշխատում էին նաև օտարփառ Ս. Վալսկին և մենշեիկ լիկվիդատոր Օ. Ս. Երմանսկին: Այս հանդամանքը կասկած է հարուցում Սպանդարյանի մեջ, այդ պատճառով նա անձամբ ուղղում է իմանալ արդյոք ճիշտ է խոսակցությունն այն մասին, որ Լենինը մասնակցելու է այդ ժուռնալին:

³ Архив Института марксизма-ленинизма, опись 27233.

⁴ Красноярский Краевой Гос. архив, ф. 34, д. 15, л. 19

գավառային պ. ոստիկանապետին, որի համար ստորագրում եմ. Սուրեն Սպանդարյան»¹:

Հենց այս նույն օրը, 1916 թ. հունիսի 20-ին Ենիսեյսկ քաղաքի հետախուզական բաժնի պետ Ռուսիանովը լսելով Սպանդարյանին Ենիսեյսկ փոխադրվելու համար թույլտվություն տալու մասին, տագնապով նահանգական ժանդարմական վարչության պետին գրում է. «Բանտային տեսչության ս./թ. հունիսի 4-ի № 7637 գրությամբ հաղորդված է գավառային ոստիկանապետին, որ պ. նահանգապետի կողմից աքսորաբնակ Սուրեն Սպանդարով Սպանդարյանին թույլատրված է ապրելու Ենիսեյսկ քաղաքում:

Սպանդարյանը հայտնի է աքսորյալների լայն մասսաներին, որպես ակա-նավոր ռևոլյուցիոն գործիչ, աշխույժ նամակագրություն ունի աքսորված դեպուտատների հետ, նրանց միջոցով դրամական օգնություն է ստանում և այժմ Ենիսեյսկ գալով, անպայման աքսորված դեպուտատների հետ համագործակցած ռևոլյուցիոն գործունեություն կծավալի:

Նկատի ունենալով վերը շարադրածը և Ձերդ բարեծննդության 1914 թ. մայիսի 23-ի № 53780 գրությունը նրա կողմից փախուստի փորձը, միջնորդում եմ Սպանդարյանին Ենիսեյսկ քաղաքի փոխարեն տեղավորել Ենիսեյսկի դավառի ավելի քիչ բնակչություն ունեցող բնակավայրերից մեկում»²:

Բայց և այնպես Սպանդարյանի վիճակն արդեն անհուսալի էր: Հունիսի 27-ին իր դուստր Մարիային գրում է. «Հազիվ հազ քայլում եմ, բոլոր ժամանակները շնչահեղձ եմ լինում, ոտքերս ունել են... Շատ ծանր է, բայց այնուամենայնիվ ես քաջալերվում եմ և հույս ունեմ դեռ որոշ ժամանակ ապրել: Հատկապես շատ վատ եմ լինում գիշերները... Ինձ մոտ գիշերում են ընկերները, բարեկամները և ինչով կարողանում են օգնում են»³:

Հուլիսի 1-ին Սպանդարյանը Շվեյցերի ուղեկցությամբ, ժանդարմների խիստ հսկողության ներքո հասնում է Ենիսեյսկ քաղաքը և տեղավորվում է մի մասնավոր բնակարանում, որը նախօրոք վարձել էր Վ. Լ. Շվեյցերը: Այստեղ էլ նրա վիճակը շարունակում է մնալ անհուսալի, գավառական քաղաքում չկային որակյալ բժիշկներ: Հարկ կար նրան փոխադրելու ավելի մեծ քաղաք, որտեղ կային որակյալ բժիշկներ: Բայց իշխանությունը թույլ չէր տալիս: Բազմաթիվ անգամ տված դիմումները և՛ Սպանդարյանի և՛ աքսորյալ բոլշևիկների կողմից, մերժվում էին: Միայն 1916 թ. օգոստոսի 8-ին, Սպանդարյանի մահվանից մոտ մեկ ամիս առաջ, ցարական կառավարությունն արդեն տեսնելով նրա անհուսալի վիճակը՝ որոշում ընդունեց նրան ազատել աքսորից: Ցարի օգոստոսի 8-ի ընդունած որոշումը, որը Ենիսեյսկ հասավ օգոստոսի 25-ին, հետևյալ բովանդակությունն ուներ. «Իրավունքներից զրկված Սուրեն Սպանդարով Սպանդարյանին այսուհետև աքսորում մնալուց ազատել հենց այժմվանից, նրան իրավունք տալ բնակվելու կայսրության սահմաններում ամեն տեղ, բացի մայրաքաղաքներից և մայրաքաղաքային նահանգներից, թողնելով 5 տարի ոստիկանության հսկողության տակ, ճանաչելով քր. օր 43 հոդ. նրա առանձին իրավունքների վերականգնումը, սակայն առանց վերականգնելու գույքի նկատմամբ եղած իրավունքները»⁴:

Այս որոշումն ստանալուց հետո հնարավոր եղավ նրան փոխադրել Կրաս-

¹ Красноярский Краевой Гос. архив, ф. 34, г. 13, л. 17:

² Նույն տեղում, ֆ. 4, գ. 1921, л. 767:

³ Մարտիգմ-Լենինգրդի ինստիտուտի Հայկական ֆիլիալ, ֆ. 6, գ. 86:

⁴ Красноярский Краевой Гос. архив, ф. 34, г. 13, л. 21:

նոյարսկ՝ բժիշկների ընկերության քաղաքային մասնաճիւղի հիմնադրանոցը, որտեղ աշխատում էր բժիշկ Ֆեոդոր Կուսարովը, որը համակրում էր բոլշևիկներին և առանձին հողատարութիւն ցուցաբերեց դեպի Ս. Սպանդարյանը: Բայց այլևս ոչ մի հողատարութիւն բողաշունչ բոլշևիկի հիասքանչ, հերոսական կյանքը փրկել չէր կարող, թեպետ ինքը՝ Ս. Սպանդարյանը մահանալու մասին չէր մտածում: Նա շարունակում էր մտածել իր սիրած գործի՝ ռեուլյուցիայի մասին: «Բժիշկները, — գրում էր ընկ. Ավել Յունիկիձեն, — նրա գրութիւնն անհուսալի էին դառնում, թեև ինքը՝ Սուրենը, ինխսեյակից և անցած դժվարին ճանապարհորդութիւնից հետո ղգալի չափով սկսել էր կազդուրվել, առույգ էր և բոլորովին չէր ղգում մահվան մոտենալը... Վերջին անգամ ես նրա մոտ էի մահվան նախօրյակին, երեկոյան: Նրա վերջին ինձ ուղղած խոսքերն էին՝ «վաղը գնալիս մտիր»... Նա մինչև վերջին ժամերն անդամ հետաքրքրվում էր ամեն բանով և ամենից քիչ մահվան մասին էր մտածում, որով և ինձ վարակել էր մի հավատորով, որ նրա առողջութիւնը դեպի լավն է գնալու»¹:

Ընկերների գնալուց հետո, գիշերը Ս. Սպանդարյանի մոտ է մնում նրա տառապանքների անբաժան ընկեր Վ. Շվեյցերը, որի ձեռքերի վրա էլ հանգչում է անվեհեր բոլշևիկը:

1916 թ. սեպտեմբերի 11(24)-ին, առավոտյան ժամը 6-ին, Կրասնոյարսկի բժիշկների ընկերության հիմնադրանոցում, հավերժական քնով քնեց Սուրեն Տիմոֆեյ Սպանդարյանը: Նրա վերջին խոսքերն էին «Ռեուլյուցիան կանգնած է 1917 թ. շեմքին, կանգնեցեք լենինի դրոշի տակ»²:

Սիրիւրի սեպտեմբերյան մի մոռյլ անձրևոտ օր տեղի ունեցավ Ս. Սպանդարյանի թաղումը: Հուղարկավորութիւնը մասնակցեցին արսորյալ բոլշևիկները, տեղի բոլշևիկյան կազմակերպութիւն անդամները և անպարտիականները: Դագաղը ծածկված էր պսակներով: Ճարական կառավարութիւնը վախեցավ անվեհեր բոլշևիկի անշունչ դիակիցն անգամ, նա վախենում էր, որ ղնդաններում ու տարագրութիւն մեջ տանջամահ՝ ռեուլյուցիոնների հուղարկավորութիւնը կարող է վերածվել բողոքի ցույցի, «անկարգութիւն», այդ պատճառով հուղարկավորներին ուղեկցեցին ղինված ոստիկանները:

Ս. Սպանդարյանի մահվան մասին հետևյալն է արձանագրված Կրասնոյարսկ քաղաքի չափաբերական մատյանում.

Մահացողների հաշիվները	Մահվան աւիսը և թիվը	Մահացողի անունը հայրանունը և ազգանունը	Մահացողի տարիքը	Ինչից է մահացել	Ով է խոստովանեցրել և հաղորդութիւն տվել	Ով է թաղել և որտեղ է թաղված
226	Սեպտեմբերի 11 — 12	Ռասանոյ արսորարնակ, Սուրեն Սպանդարի Սպանդարյան	33	Սրտի արատից	Հայ, թաղված է առանց բրիտոնեական արարողութիւն	Քահանայ Ալեքսեյ Սելսկին, թաղված է Տրոյցկիյ ղերեղմանատանը ³

¹ «Սուրեն Սպանդարյան» (հղվածների ժողովածու), էջ 57—58, Երևան, 1927:

² «Комсомольский Пропагандист и агитатор», № 13(17), 1937 թ., Վ. Շվեյցերի «Сурен Спандарян» հոդվածը:

³ Красноярский Краевой Гос. архив, Метрическая книга 1916 года, часть третья о умерших, лист. 66.

3

Սպանդարյանի մահը մեծ կորուստ էր բոլշևիկյան մեծ պարտիայի համար՝ նրա օրդան «Սոցիալ-դեմոկրատ» թերթը Ս. Սպանդարյանին նվիրած նեկրոլոգում նշեց այն մեծ կորուստը, որ կրեց պարտիան Սպանդարյանի մահով և այն մեծ ծառայությունը, որ նա մատուցել է պարտիային¹։

«Պայքար» թերթի մի քանի համարներում գրվեց Ս. Սպանդարյանի մահվան մասին, նրա էջերում լույս տեսան Ս. Շահումյանի, պարտիական ուրիշ շատ աչքի ընկնող գործիչների, բանվորական կոլեկտիվների, ինտելիգենցիայի, ծառայողների և աշակերտական կոլեկտիվների մահախոսականներն ու հողվածները։ Խորը վշտով ցավակցություն են հայտնում ռուս, հայ, վրացի, ադրբեջանցի բանվորներ և ինտելիգենցիան ու խոստանում են շարունակել այն գործը, ինչի համար պայքարեց և հերոսաբար ընկավ Ս. Սպանդարյանը։

Արտահայտելով ռուս առաջավոր ինտելիգենցիայի անհուն վիշտը, Ն. Ն. Կարդաշևը գրում էր. «Հանձին Սուրենի մեծ կորուստ ունեցավ ռուսական ինտելիգենցիայի որոշ մասը։ Նթե այսօր չի լսվում այդ ինտելիգենցիայի վշտի ու ցավակցության խոսքը Սուրենի հիշատակին, այդ նրա համար չէ, որ չի զգացվում կորուստը, այլ որովհետև հնարավորություն չկա ասելու այն, ինչոր կցանկանանք ասել...

Հեռու Սիբիրում, երբ Սուրենի դագաղն իջեցնում էին գերեզման, նրան վերջին պարտքը տալու համար հավաքվել էին հայ, ռուս, վրացի, հրեա ընկերներ։ Սուրենը օժտված էր բնածին խելքով և հուժկու հեռուորական տաղանդով։

Սուրենի, ինչպես և այլ վաղաժամ ընկած ընկերների շիրիմների վրա կբուսեն այն վառ ու անուշահոտ ծաղիկները, որոնցով պետք է զարդարվի աշխատավորների հաղթական տոնը։ Միայն այդ միտքն է, որ կարող է հաշտեցնել Սուրենի կորուստի հետ և տալ մեզ նոր ուժ ու եռանդ՝ շարունակելու այն գործը, որին ամբողջովին նվիրված էր Սուրենը»²։

Մահախոսականների ու հողվածների ամբողջ մի հեղեղ տեղաց դեպի «Պայքար»-ի խմբագրությունը, որը հարկադրված հայտարարեց. «Ցավոք պետք է հայտնենք տեղի սղության և այլ անկախ պատճառներով (ցենզուրայի— և. Մ.) հնարավորություն չունենք այդ գրությունները լույս ընծայելու»³։

Խմբագրության հայտարարությունը իվիճակի չեղավ կասեցնելու թղթակցությունների հեղեղը, բանվորների, ծառայողների, աշակերտների կոլեկտիվները պահանջեցին հրատարակել Ս. Սպանդարյանի կյանքին ու ունեցությունը գործունեությանը նվիրված ժողովածու, ստեղծել Ս. Սպանդարյանի անվան ֆոնդ և այն հատկացնել բանվորական մամուլին։ Ժողովածու հրատարակելը ցարական ցենզուրայի պայմաններում հնարավոր չեղավ, բայց Սպանդարյանի անվան բանվորական մամուլի ֆոնդ ստեղծվեց։

Մեր պարտիան, կառավարությունը և աշխատավորությունը ըստ արժանվույն հավերժացնում են Սովետական Միության Կոմունիստական պարտիայի ականավոր գործիչ, Լենինի տաղանդավոր աշակերտ ու մարտական զինակից Սուրեն Սպանդարյանի հիշատակը։

¹ Տես, «Социал-Демократ», № 56, 6 ноября 1916 г., некролог: «Сурен Спандарян (Тумофей)».

² «Պայքար», № 42 (46), 16 հոկտեմբերի, 1916:

³ «Պայքար», № 40 (44), 1 հոկտեմբերի, 1916:

Այն տունը, որտեղ ապրել է Սպանդարյանը 1914—1916 թթ. աքսորում էղած տարիներին, լեր է ածված տուն-թանգարանի, որի ճակատին մարմարե մեծ տախտակի վրա գեղեցիկ տառերով գրված է. «Այս տան մեջ ափսոսված ժամանակաշրջանում 1914—1916 թթ. ապրել է բոլշևիկների պարտիայի լավագույն կազմակերպիչներից մեկը՝ Սուրեն Սպանդարի Սպանդարյանը»: Տուն-թանգարանի լակում կանգնեցված է Սպանդարյանի արձանը:

Ս. Սպանդարյանի տուն-թանգարանը մեկ հարկանի հասարակ փայտաշեն մի տուն է՝ բաղկացած մի փոքրիկ սենյակից, նախասենյակով ու ռուսական գյուղական մեծ վառարանով: Սենյակը կահավորված է այնպես, ինչպես եղել է Սպանդարյանի ապրած ժամանակ: Սենյակին կից նոր կառուցված է մեծ սրահ, որտեղ խնամքով պատրաստված ցուցափեղկերի վրա ցուցադրված են Սպանդարյանի կյանքին ու ունեցություն գործունեությանը վերաբերող հայտնի անոթներ:

Ն. Տուրուխանսկում քաղաքի ծայրին՝ Ննիսեյ գետի ափին՝ կանգնեցված է մեծ հուշատախտակ Սվերդլովի և Սպանդարյանի մեծադիր նկարներով, առնչված ապակեպատ գեղեցիկ շրջանակների մեջ: Նկարների տակ կան համապատասխան մակագրություններ, որոնցում Սվերդլովը և Սպանդարյանը բնութագրվում են, որպես բոլշևիկյան փառասլանծ պարտիայի ականավոր գործիչներ:

Կրասնոյարսկում Սպանդարյանի գերեզմանի վրա տեղի քաղսովետը 1953 թ. կանգնեցրեց 7 մետր բարձրությամբ մարմարե հուշարձան: Միշտ նրա վրա կարելի է տեսնել թարմ ծաղիկներ՝ դրված տեղի հին բոլշևիկների և աշխատավորության կողմից: Կրասնոյարսկ քաղաքի Մարքսի փողոցի № 41 շենքի (որն այժմ մանկական կլինիկա է) ճակատին փակցված է մարմարե հուշատախտակ հետևյալ մակագրությամբ. «Այստեղ տեղավորված էր Կրասնոյարսկի բժշկական ընկերության հիվանդանոցը, որտեղ 1916 թ. սեպտեմբերի 24-ին վախճանվեց բոլշևիկյան պարտիայի ականավոր գործիչ Սուրեն Սպանդարյանը»:

Կրասնոյարսկի երկրային թանգարանի մի մեծ սրահում ցուցադրված են Սպանդարյանի յուղաներկ լուսանկարները, նրան վերաբերող պատմական փաստաթղթեր:

Վերհիշելով աշխարհում առաջին սոցիալիստական Մեծ ունեցության համար մարտնչողներին, ուսումնասիրելով նրանց հերոսական կյանքն ու ունեցություն գործունեությունը, նրանց անձնուրաց, նվիրված պայքարի օրինակով իրենց նոր կյանքն են կերտում կոմունիզմի միլիոնավոր կառուցողները: